

Zahtjev za izdavanje boravišne dozvole za samozapošljavanje nakon ulaska u Njemačku

Morate podnijeti zahtjev za izdavanje boravišne dozvole u Uredu za strance u vašem budućem mjestu prebivališta, u roku od 90 dana. Uredi za strance često zahtijevaju iste dokumente koje ste već predali njemačkoj ambasadi ili konzulatu. **Napomena:** Pitajte u Uredu za strance da li možete podnijeti iste dokumente, posebno ako niste promijenili svoju poslovnu ideju. U svakom slučaju potrebno je dostaviti sljedeća dokumenta.

Obrazac „**Zahtjev za izdavanje boravišne dozvole**“. U nastavku ćete pronaći važne **napomene** u vezi s Vašim zahtjevom:

- U odeljku „**Svrha boravka u Saveznoj Republici Njemačkoj** (GER: Zweck des Aufenthaltes in der Bundesrepublik Deutschland / EN: Purpose of stay in the Federal Republic of Germany)“ prepišite podatke koji se nalaze na vašoj vizi.
- U odeljku „**Planirana vrsta zaposlenja** (GER: Beabsichtigte Erwerbstätigkeit / EN: Intended employment)“ unesite → „**Samozaposlen kao [molimo Vas da tu unesete vrstu samozaposlenja kojom se želite baviti] i ja se prijavljujem u skladu s članom 21 stav 1** (ako se želite samozaposliti u obrtu) ili **članom 21 stav 5** (ako se želite samozaposliti kao honorarac/freelancer) (GER: Selbständig als [Beruf] und ich beantrage § 21 Abs. 1 oder § 21 Abs. 5 / EN: Self-employed as [profession] and I apply for § 21 para. 1 or § 21 para. 5)“.
- Radi boljeg razumijevanja, na kraju dokumenta smo Vam vizualno predložili odgovarajuće odlomke teksta.

Važeći pasoš Vaše zemlje porijekla.

Skorašnja biometrijska fotografija.

Kompletan CV na njemačkom jeziku. Na web stranici Evropske unije možete preuzeti [obrazac za izradu CV-a](#).

Dokaz o kvalifikacijama: Školske i fakultetske diplome, preporuke za poslove koje ste radili, potvrde o dodatnim kvalifikacijama, dokaz o poznавању stranog jezika sa njemačkim prijevodom. **Napomena:** dokaz o kvalifikacijama je posebno važan ako Vaša vrsta samozaposlenja zahtijeva određene kvalifikacije. Za koja zanimanja su potrebne specifične stručne kvalifikacije, možete saznati u našem **leksikonu zanimanja**.

Dokaz Vaše profesionalne licence za rad.

Poslovni plan na njemačkom jeziku. **Napomena:** Ako se Vaš početni projekat nije promijenio, možete predati isti poslovni plan koji ste već predali u ambasadi ili u konzulatu.

Finansijski plan na njemačkom jeziku. **Napomena:** U svom finansijskom planu morate jasno pokazati kako ćete Vi (i Vaša porodica) moći sami sebe izdržavati. Ako se trebate brinuti samo o sebi, onda trebate imati dobit od najmanje 18.000 EURA na godišnjem nivou.

Odnosi se samo na honorarce/freelance uposlenike: Ako već imate klijente, podnesite naloge za isplatu honorara.

Dokaz o zdravstvenom osiguranju za Vas i Vašu porodicu ako ste u Njemačku ušli s porodicom. U Njemačkoj možete imati „javno zdravstveno osiguranje“ i „privatno zdravstveno osiguranje“. Međutim, ako ste u zemlju ušli na temelju vize, možete sklopiti samo „privatno“ zdravstveno osiguranje. Unaprijed utvrdite kod kojeg zdravstvenog osiguranja ćete sklopiti ugovor o privatnom osiguranju i obavezno potražite savjet. Informacije o zdravstvenom osiguranju mogu se naći i na web stranici [fondova zdravstvenog osiguranja](#).

Dokaz o ugovoru o zakupu ili o vlasništvu nad stonom ili kućom. Također morate dostaviti dokaze o mjesecnim troškovima za zakup ili plaćanje rata za Vaš stan/kuću, npr. u obliku tekućeg izvoda s bankovnog računa.

Odnosi se samo na osobe starije od 45 godina: Morate dokazati da imate sredstva od najmanje 195.000 eura kako biste imali odgovarajuću penziju za vrijeme koje će uslijediti nakon što okončate svoje poslovno angažovanje. To možete dokazati na sljedeći način:

- privatnim penzionim ili životnim osiguranjem,
- sopstvenim sredstvima,
- zahtjevom za penziju/ ostvarenom penzijom ili
- poslovnom imovinom/sredstvima

Ovo ne morate dokazivati ako dolazite iz jedne od sljedećih zemalja: Dominikanske Republike, Indonezije, Irana, Japana, Filipina, Šri Lanke, Turske ili SAD.

Dokaz da imate glavno prebivalište u gradu/regiji gdje podnosite zahtjev za izdavanje boravišne dozvole. To možete dokazati na sljedeći način:

- potvrdom o prijavi prebivališta (potvrda o upisu stana) ili
- ugovorom o zakupu i potvrdom o useljavanju koju izdaje stanodavac.

Ovu listu smo sastavili pažljivo i savjesno. Ali zbog mogućih promjena u zahtjevima, ne preuzimamo nikakvu odgovornost za potpunost i tačnost informacija. Molimo Vas da u svom Uredu za registraciju stranaca provjerite da li su potrebni i neki dodatni dokumenti

Zahtjev za izdavanje boravišne dozvole

**Zweck des Aufenthalts in der
Bundesrepublik Deutschland**

Сврха боравка у Савезној Републици Немачкој
Svrha boravka u Saveznoj Republici Njemačkoj

[U odeljku prepišite podatke koji se nalaze na vašoj vizi]

**(z.B. Besuch, Touristenreise, Studium, Arbeits-
aufnahme usw.)**

(нпр. посјета, туристичко путовање, студирање, запослење, итд.)
(npr. posjeta, turističko putovanje, studij, zaposlenje, itd.)

Arbeitgeber

Посlodавац / Poslodavac

**Name der Verwandten, der Studienanstalt,
Referenzen usw.**

Име и презиме рођака, образовне установе, препоруке и сл.
Ime rođaka, ustanove za studiranje, reference, itd.

Deren Anschrift

Нијекова адреса / Njihova adresa

**Beabsichtigte Erwerbstätigkeit
(Angabe des auszuübenden Berufs)**

Предвиђено запослење (назив занимања које ћете обављати)
Planirana vrsta zaposlenja (naziv zanimanja kojim će se baviti)

Samozaposlen kao [vrstu samozaposlenja] i ja se prijavljujem u skladu
s članom 21 [stav 1 ili stav 5]

Erlerner Beruf

Занимање за које сте обучени / Izučeno zanimanje